

EZALA

Yá pò kú láe bee guu

Peesio kí Kilusi Yudaɔ gbà zé aa gé Dii kpé keke dɔi Yelusaleũ (1). Gbé pò wà tàrɔnɔ yāa Babilonio èa lé tá ní be (2). Yá séia pò aa kè an ea sua guu mé Lua gbagbakii keke boa ũ, ké wàli e wàò sa'owà lán yāawa (3). Ama Lua kpé keke dɔa yá musu buipáleɔ íbelesèrɔnɔ, ɔ aa lékpāsákè Peesi gbāadeɔne, ké wà e dɔ tó aa ní gbá zé wà kpépi dɔ síanae (4-6).

Bee gbɛa Peesio kí Aatasasa sa'ona Ezala zì we, ɔ à lousisiyā vù Yelusaleũ, a tò Yudaɔ nòselìle aa Lua yá kù ɔplapla. (7-10).

Ezala lá gbāakpà luanaaikɛa yáwae ní kua gbāsisaio. Sa'ona Ezala wóò vī, ɔ á kɔaikè a tò gbéɔ nòselìle wà gò luayāmanaɔ ũ. Ezala gɔɔ ɔ Yudaɔ kèke wà lousisiyā kù ɔplapla. Wéɔ gèè dasi, a gbɛa ɔ wà Yesu Kilisi ì.

Kilusi Isailio gbɛa

¹ Peesio kí Kilusi kpalablea wè séia guu Dii tekpaaàgu, ké yá pò a dà Zelemiie a ò e ke yáí.*
 ɔ Kilusi kpàwakè a bùsuu pìi, ɔ à gbàsa kè láu à mè: ² Yá pò ma Kilusi, Peesio kía má òn ke: Dii Lua Musude tò dúnia kpala pìi gò ma pò ũ, ɔ a dílemɛɛ mà kpɛdɔe Yelusaleũ, Yuda bùsuu.† ³ Gbé pò de aà gbé ũ á guu, Lua kuaànɔ, i ta Yelusaleũ, Yuda bùsuu, i kpɛdɔ Dii Isailio Lua pò de Dii ũ Yelusaleũe

* **1:1** Zel 25.11, 29.10 † **1:2** Isa 44.28

we. ⁴ An gbé pò gòpìo saedeo dɔ́rìle ní á́nusuo ní vuao ní àizεεo ní pɔtuoo ní Lua kpé pò aale gé dɔi Yelusaleũ gbaɔ.

⁵ Ǿ Yudaɔ ní Běyámεε buiɔ uabeleɔ ní sa'onao ní Levii buiɔ ní gbé pò Lua tekpànguɔ fêle lé gé Dii kpé dɔi Yelusaleũ. ⁶ An saedeo ɔdámá, aa ní gbá á́nusu pò ní vua pò ní àizεεo ní pɔtuoo ní pò ɔdeɔ ní Dii kpé gbaɔ píi. ⁷ Ǿ Pεεsiɔ kí Kílusi bò ní Dii kpé pò pò Nεbukaneza sèle yāa Yelusaleũ a kàle a t́aa kpéuɔ. ⁸ A ò a ɔ'ulεna Miledaε aà pòpìo nao aà kpa Yudaɔ kí Sesebazaawa, ɔ a kè màa. ⁹ Pòpìo dasin ke: Vua ta baakwi, á́nusu ta òaa sɔo, tapelenti baakwi m̀endosai, ¹⁰ vua imibɔ baakwi, á́nusu imibɔ òaa pla ní kwio, ta buipále òaa sɔo. ¹¹ Vua ní á́nusu tao fêle píi òaasɔsɔo lεε sɔo ní òaa plao (5.400). Ké zìzɔpìo b̀òle Babeli aa sù Yelusaleũ, ɔ Sesebaza a m̀ò ní pòpìo píi.

2

Zìzɔ pò sù

¹ Babeli kí Nεbukaneza Isailiɔ kùkù zìzɔo ũ yāa, à tàńńo Babeli, ɔ an gbēeɔ b̀ò zìzɔkepiu aa sù Yelusaleũ, Yuda b̀usu sa, ɔ baade tà a be wéleu. ² An dɔaanaɔn ke: Zolobabeli, Yesua, Nεemii, Selaiia, Leelaiia, Maadose, Bilisá, Misipaa, Bigivai, Leuũ ní Baanao. Isaili gɔε pò sù dasilen ke:

³ Palɔsi buiɔ gbēɔn òaasɔsɔo lεε pla ní baswaaɔkwí ní plao (2.172). ⁴ Sefatia buiɔ gbēɔn òaa do ní baswaaɔkwí ní plao (372). ⁵ Ala buiɔ gbēɔn òaa àaɔ ní baswaaɔkwí ní sɔoo (775). ⁶ Paata Mɔabu bui pò de Yesua ní Yoabuo buiɔ ũ gbēɔn òaasɔsɔo lεε pla ní òaa

síiõ ní kuεplao (2.812). ⁷ Elaũ buiõ gbẽɔn òaa soolo ní blakwi ní síiõ (1.254). ⁸ Zatu buiõ gbẽɔn òaa síiõ ní basoplasɔo (945). ⁹ Zakai buiõ gbẽɔn òaa àaõ ní baswaaõ (760). ¹⁰ Bani buiõ gbẽɔn òaa àaõ ní bla ní plao (642). ¹¹ Bebai buiõ gbẽɔn òaa àaõ ní bao ní àaõ (623). ¹² Azegada buiõ gbẽɔn òaa soolo ní bao ní plao (1.222). ¹³ Adonikaũ buiõ gbẽɔn òaa àaõ ní bàaõsɔo ní m̀ndoo (666). ¹⁴ Bigivai buiõ gbẽɔn òaasɔsɔo lεe pla ní bàaõ síiõsaio (2.056). ¹⁵ Adini buiõ gbẽɔn òaa pla ní blakwi ní síiõ (454). ¹⁶ Atee buiõ gbẽɔn basɔ plasai (98). ¹⁷ Bezai buiõ gbẽɔn òaa do ní basoolo ní àaõ (323). ¹⁸ Yola buiõ gbẽɔn basɔokwi ní plao (112). ¹⁹ Asuũ buiõ gbẽɔn òaa do ní bao ní àaõ (223). ²⁰ Gibaa buiõ gbẽɔn basɔ sɔosai (95).

²¹ Betelẽũdeɔ gbẽɔn basoolo ní àaõ (123). ²² Netofadeɔ gbẽɔn bàaõ síiõsai (56). ²³ Anatodeɔ gbẽɔn basoolosɔo ní àaõ (128). ²⁴ Azemavedeɔ gbẽɔn bla ní plao (42). ²⁵ Kiliyaaaliũdeɔ ní Kefiladeɔ ní Beelodeɔ gbẽɔn òaa àaõ ní basopla ní àaõ (743). ²⁶ Lamadeɔ ní Gebadeɔ gbẽɔn òaa àaõ ní bao ní m̀ndoo (621). ²⁷ Mimasadeɔ gbẽɔn basoolo ní plao (122). ²⁸ Betelideɔ ní Aideɔ gbẽɔn òaa do ní bao ní àaõ (223). ²⁹ Nebodeɔ gbẽɔn blakwi ní plao (52). ³⁰ Magbisodeɔ gbẽɔn baswaaõ síiõsai (156). ³¹ Elaũ p̄ale buiõ gbẽɔn òaa soolo ní blakwi ní síiõ (1.254). ³² Aliũ buiõ gbẽɔn òaa do ní basooloo (320). ³³ Lodideɔ ní Adidadeɔ ní Onodeɔ gbẽɔn òaa àaõ ní basoolosɔo (725). ³⁴ Yelikodeɔ gbẽɔn òaa do ní basoplasɔo (345). ³⁵ Senadeɔ gbẽɔn òaasɔsɔo lεe àaõ ní òaa àaõ ní baakwio (3.630).

³⁶ Sa'ona bui p̄ s̀ɔn kε: Yesua bui Yedaia buiõ gbẽɔn òaa síiõ ní baswaaõkwi ní àaõ (973). ³⁷ Imεε

buiò gbě̀on òaa sɔo ní blakwi ní plao (1.052). ³⁸ Pasuu buiò gbě̀on òaa soolo ní blasɔo ní plao (1.247). ³⁹ Aliũ buiò gbě̀on òaa sɔo ní gě̀o ní plao (1.017).

⁴⁰ Levii bui pɔ̀ sù̀on ke: Odavia bui Yesua ní Kamielio buiò gbě̀on bààṣkwi ní síiṣo (74).

⁴¹ Asafa bui lèsinao gbě̀on basoolosɔo ní àaṣo (128).

⁴² Bìibòledṣana pɔ̀ de Saluũ ní Ateeo ní Talemɔo ní Akubuo ní Atitao ní Sobaio bui ù̀o gbě̀on basopla m̀endosai (139).

⁴³ Gbě̀e beeo buiò mé Lua ua zíkɛnao ù̀: Ziha, Asufa, Tabao, ⁴⁴ Kelosi, Siaan, Padoni, ⁴⁵ Lebana, Agaba, Akubu, ⁴⁶ Agabu, Salemai, Anana, ⁴⁷ Gideli, Gaaa, Leaia, ⁴⁸ Lezini, Nekoda, Gaaũ, ⁴⁹ Uza, Pasea, Besai, ⁵⁰ Asena, M̀uniũ, Nefusiũ, ⁵¹ Babuku, Akufa, Aluu, ⁵² Bazelu, M̀eida, Aasa, ⁵³ Baakosi, Sisela, Tema, ⁵⁴ Nezia ní Atifao.

⁵⁵ Gbě̀e beeo mé Salomɔo z̀òblɛnao buiò ù̀: Sotai, Sofele, Peludao, ⁵⁶ Yala, Daakṣ, Gideli, ⁵⁷ Sefatia, Atili, Pokɛɛ Azebaiũ ní Amio. ⁵⁸ Lua ua zíkɛnapio ní Salomɔo z̀òblɛnapio kà gbě̀on òaa pla swaaṣai (392).

⁵⁹ Gbě̀eo b̀ò Temela ní Telaasao ní Kelubuo ní Adṣo ní Imɛɛo, ṣ̃ aai e ní buib̀k̀ii ònéo, tó Isailion ní ù̀.

⁶⁰ Delaia ní Tobiao ní Nekodao buiòne, mé aa kà gbě̀on òaa àaṣ ní blakwi ní plao (652). ⁶¹ Sa'ona bui pɔ̀ de Ọbaia ní Akozio ní Baazilaio buiò ù̀ sù̀ lo.

Baazilaipi Galada bùsu gbé Baazilai né sè yãa, ṣ̃ à à ànsuepi tó sè. ⁶² Gbépio ní tó wè̀ɛɛ buib̀k̀ii taalau, kási aai b̀owàò, ṣ̃ wà g̀iné ní sa'ozio. ⁶³ Bùsu d̀aana òné, mé i ke sa'ona ní yá gwà ní Uliũo ní Tumiũo*

bàasio, aasu sa'oble bleo.

* **2:63** B̀oa 28.30, Iko 33.8

⁶⁴ Gb́eṗiṓ pfi gb̃ṓn òaasṓṓṓ lɛɛ bla ní plao ní òaa doo ní baswaaṓṓe (42.360). ⁶⁵ An zòblenao g̃ṓe ní nṓeṓ ku lo gb̃ṓn òaasṓṓṓ lɛɛ soplá ní òaa doo ní basopla àaṓsaio (7.337). Lèsinaṓ g̃ṓe ní nṓeṓ kúrínṓ lo gb̃ṓn òaa do. ⁶⁶ Aa s̃́ ví mèn òaa àaṓ ní basopla síiṓsaio (736), s̃́baona òaa do ní blasṓṓṓ, ⁶⁷ yiongo òaa pla ní bla ṓṓosaio (435), zàa'ina òaasṓṓṓ lɛɛ soolo ní òaa àaṓṓ ní basooloo (6.720).

⁶⁸ Ké aa kà Dii kpé dṓkii Yelusaleṓ, an uabeleeṓ gbadàda, ké aa e Lua kpé kɛkɛ dṓṓ a gbɛu. ⁶⁹ Aa gbadà kpé z̃́i kpagolo guu ní gbãa léu, vua kiloo òaa pla ní basṓṓṓ (500), ánuṓṓ tṓnu àaṓ ní sa'ona ulataṓṓ basṓṓ. ⁷⁰ Sa'onaṓ ní Levii buiṓ ní lèsinaṓ ní bíibṓledṓanaṓ ní Lua ua zikenaṓ ní gb̃ṓpãleeṓ z̃́lɛz̃́lɛ wéle pṓ wa kèkenéṓ guu, ṓ Isaili k̃niṓ z̃́lɛ ní wéleṓ guu.†

3

Dii gbagbakii boa

¹ Ké wè mṓ soplade kà, Isailiṓ sù z̃́lɛ ní wéleṓ guu p̃ii. ṓ aa k̃ãaa Yelusaleṓ lán gbé m̀ndowa. ² Yozada né Yesua ní a sa'on deeṓ ní Salatieli né Zolobabelio ní a gbé Isailiṓ Lua gbagbakii bṓ, ké aa sa pṓ w̃́ a pṓ káteu à tékū owà, lá Lua gbé M̃oizi ò a ikoyã guuwa. ³ Baa ké aale víake gbé pṓ kú bùsupi guuṓṓe, aa gbagbakiipi bṓ a gbɛue, ṓ aa sa pṓ w̃́ a pṓ káteu à tékū ò Diiwa kṓṓ ní oosio.* ⁴ Aa Lákrɛdṓa dikpɛkè lá a ku lápi guuwa, aaṓ sa pṓ w̃́ a pṓ káteu à tékū o lá gu lé dṓ, lá wà a lé d̃lɛwa.† ⁵ Bee gbea

† **2:70** 1Lad 9.2-3, Nɛɛ 11.1-3 * **3:3** Nao 28.1-8 † **3:4** Nao 29.12-38

aa sa pɔ wɔ o ɔɔpii ò ní mɔ dafu pɔo ní dikpe pɔ Dii d̄ileɔ pɔo ní gba pɔ wɔ mɔoè. † 6 Mɔ soɔplade ɔɔ s̄éia z̄í ò aa ná Dii gbagbaawa m̄aa, baa ké wi aà kpé dɔ ȳaa.

7 Aa ɔa kpà gbè'ānaɔ ní li'ānaɔwa, ɔ aa pɔblea ní imiao ní n̄sio kpà Sid̄odeɔ ní Tiideɔwa, ké aa s̄ede lí z̄ɔz̄ɔ Libā b̄usuu, aa yeye ɔeð Zope daa ís̄iaa, lá P̄eɔs̄io k̄ia Kilusi ní gbá z̄éwa. 8 An kaa Lua kpé dɔk̄ii Yelusaleũ wè plaade mɔ plaade guu, Salat̄ieli né Zolobabeli ní Yozada né Yesuao ná z̄iwa ní ní gbé k̄inio, sa'onao ní Levii buio ní gbé pɔ b̄ò z̄iɔkeu aa s̄u Yelusaleũ p̄ii. Aa Levii bui pɔ kà wè bao ge aa deaɔ d̄ile Dii kpé z̄ipi gb̄ez̄ɔɔ ũ. 9 Yesua ní a buio n̄ak̄ɔwa ní Kamielio ní aà né Odavia buio, ɔ aa ɔ z̄ipi gb̄ez̄ɔɔ ũ ní Enadao ní aà buio. Levii buio ne n̄pii. 10 Ké Dii kpebonaɔ lé kpépi ẽ kp̄ale, sa'onao z̄eze we sa'on pɔkasaɔ dadaa, aa ní kuuɔ k̄úk̄ua, mé Levii né Asafa buio ku we lɔ ní s̄és̄enaɔ aa Dii táasilè, lá Isailio kí Davidi ò ȳawa. § 11 Aa les̄i aa Dii táasilè, aa aà s̄aukpà aa m̄e: Dii maa, aà gb̄ekekea wá Isailio ne láaa v̄io. ɔ gb̄épii wii gb̄aa lè aa Dii táasilè, ké wà Dii kpé ẽ kp̄ale ȳái. 12 Kási sa'on daside ní Levii buio ní uabele pɔ zik̄ù aa wes̄i kpé k̄auleɔ, ké aa kpépi ẽboa è, aa búbuap̄e. Gbé dasideɔ s̄o aale pɔna wii le. 13 Gb̄e pɔna wii d̄ok̄e ní búbuwa pɔ w̄ale p̄eɔ lɔ, ké baade lé wii gb̄aa le ȳái, mé wà k̄ɔf̄ipi mà z̄à.

4

Ib̄eɔs̄eɔ ní Dii kpebonaɔ

† 3:5 Nao 28.11-29.11 § 3:10 1Lad 25.1

1 Ké Yudaᵋ ní Bēyāmēē buiᵋ ibēēᵋ mà zìzᵋ pᵋ sùᵋ lē kpé bo Dii Isailiᵋ Luaē, 2 aa mò Zolobabeli ní uabeleᵋ lè, aa òné: A to wà kpé boánᵋ, asa wi á Lua kí wēēle lááwa s̄ē. Wiᵋ aà gbagbaē za gᵋᵋ pᵋ Asiliᵋ kí Esaad̄ sùwanᵋ la.* 3 Ǿ Zolobabeli ní Yesuao ní Isaili uabele kíniᵋ òné: Wá Lua kpé boa de á yá ũo. Wá wá pᵋ bo Dii Isailiᵋ Luaē wátēē, lá Pēēsiᵋ kí Kilusi d̄lēwēēwaē. 4 Ǿ b̄supideᵋ lē wēēle Yudaᵋ k̄āde, aale ìadamá, ké aasu kpépi boo yáí. 5 Aa fiabò kía lēdamadeᵋne za Kilusi gᵋᵋ e à gè pè Pēēsiᵋ kí Daliusi kpalablegᵋᵋwa, ̄ aa ḡiné ní yá pᵋ aale yáo.

6 Aa lakē Aasueluē† aà kpalablea daalegᵋᵋ, aa gbé pᵋ kú Yelusaleᵋᵋ ní Yuda b̄suo pii káalakèè. 7 Biselaᵋ ní Miledao ní Tabeelio ní ní gbé kíniᵋ lakē Pēēsiᵋ kí Aatasasaē lᵋ aà kpalablegᵋᵋ. Aa kèè ní Sili yáo, ̄ wà a b̄ᵋlekèè. 8 B̄su gbēz̄ᵋ Leuᵋ ní a lakēna Simesaio lakē kí Aatasasaē Yelusaleᵋ yá musu lᵋ aa m̄: 9 B̄su gbēz̄ᵋ Leuᵋ ní a lakēna Simesaio ní ní gbé kíni Dinadeᵋ ní Afaasatadeᵋ ní Taapelideᵋ ní Afaasideᵋ ní Elekideᵋ ní Babelideᵋ ní Susade pᵋ b̄le Elaᵋ b̄suuᵋ 10 ní gbé pᵋ kía z̄ᵋ bēēede Asenapa ní b̄le ní b̄suu aa ní z̄l̄ez̄le Samali w̄léu ní Uflata baala gup̄aleuᵋ, 11 wá Uflata baaladeᵋ n z̄ᵋblenᵋ mé lápi k̄ēne kí Aatasasa, wa m̄:

12 Kí, ñyᵋ d̄ᵋ ké Yuda pᵋ b̄ᵋ n kíi aa sù laᵋ gè lē Yelusaleᵋ w̄lé v̄i p̄s̄ipi kále, aa èa lē a bíibo lᵋ, aale a bezia fēle. 13 Kí, ñyᵋ d̄ᵋ lᵋ, tó aa èa w̄lépi k̄ale aa a bíibò wa làa, aa falubᵋne lᵋ ge ele'ᵋa ge w̄'ᵋa, aai n ᵋa pᵋ ni si k̄ésā. 14 Tia kéwa kí, lá míme ní wá

* 4:2 2Kia 17.24-41 † 4:6 Esi 1.1

ũ, i kũ wà n kpε eo. A yáí wa láε bee kpàsãine ké wà yápi onε. ¹⁵ Wεεε n deziò lác guu ñ gwa, ní e dõ lá wélepideò swá gbãa, aa íadà kíawá ní bùsu gbãadeò. Za zi wélepideò yákele kè zài. Bee yá mé tò wà wélepi dúuzòí. ¹⁶ Kí, wáε onε, tó wà èa wélepi fèε, wà èa a bíibò wa làa, nýòò pòe ví Uflata baala ló.

¹⁷ Bee gbεa kía lá kpàsáné à mè: Bùsu gbεzòò Leuũ ní a lakēna Simesaio ní á gbé kíni pò kú Samali ní Uflata baaleò, ma fòkpàwá. ¹⁸ Lá pò á kpàsámεε, wà a kyokè wà a bòlekémεε. ¹⁹ Má ò wà wεεε lá zió guu, ò wa è síanaε, wélepideò ò bò kíaw kpεε. Za zi yákeledeòne. ²⁰ Kía zòò kpalablè Yelusaleũ we, aa gbãablè Uflata baaledeòwa píi, wà falubònέ ní ελε'òao ní wè'òao. ²¹ A yádile gbépiòne aa kámabo sa. Aasu εa wélepi vuo e mà ní gba lé. ²² A laaika! Asu niazíkpa yápizio, ké väipi su òta, aa wá ásookeo yái.

²³ Ké wà kí Aatasasa lápi kyokè, wà a bòlekè Leuũε ní a lakēna Simesaio ní ní gbé kíniò, ò aa fèε gè Yudaò lè Yelusaleũ gòò. Aa gíné pásípási aa mè aa kámabo. ²⁴ Beewa aa kámabò ní Lua kpé zí pò aale ké Yelusaleũo e Peesiò kí Dalusi kpalablea wè plaade guu.

5

Tatenai lakēa kí Dalusiε

¹ Anabi Age* ní ānabi Zakali,† Ido néo ānabikεkè Yuda pò kú Yelusaleũò ní Yuda bùsuo píi ní Isailiò

* 5:1 Age 1.1 † 5:1 Zkl 1.1

Lua tóo. ² ¶ Salatieli né Zolobabeli ní Yozada né Yesuao fêlè nà Lua kpé boawa Yelusaleũ.† Lua ānabipio kúrino, aale dōrile.§ ³ Wegō Uflata baala dōaana Tatenai ní Setaa Bozenaio ní ní gbéō mō ní lé, aa ní lá aa mē: Déme á gbá zé à kpée bee keke boi? ⁴ Aa gbé pó lé kpépi boō tó gbèa lo. ⁵ N beeo Lua lé wéte Yuda gbēzōpizi, ō aai oné aa kāmaboo. Aa mē wà lékpāsake Daliusie gia, aai lá pó a kē a yá musu e. ⁶ Uflata baala dōaana Tatenai ní Setaa Bozenaio ní ní gbé Peesi buio lakē, ō aa kpāsā kí Daliusie. ⁷ Lékpāsā pó aa kēn ke, aa mē:

Kí Daliusi, wa fōkpāma maamaa. ⁸ Kí, ñyō dō ké wa ge Yuda būsuu e Lua zōode kpéu. Wàle kpépi bo ní gbè gbèneo, wàle lí da kpépi giōwa. Wàle zipi ke ní laaio, àle taa'o. ⁹ Wa yālala ní gbēzōowa wa mē: Déme á gbá zé à kpée bee keke boi? ¹⁰ Wa ní tó gbèa ké wà e one, ō wa ní dōanapio tó dālau. ¹¹ Lá aa yázāsīwán ke: Aa mē musu ní zīleo Lua zòblenaon ní ũ. Kpé pó wa bō yāa à wē kē, ō wa kēke lé bo lo. Isailio kí zō mé bō yāa. ¹² Aa mē ní dezio Lua Musude pō fêlè, ō à ní ná Babiloni bui Nebukanēza, Babeli kīae a zī, ō à kpépi wīwi à gbépio sèle tārino Babeli.* ¹³ Bee gbèa Babeli kí Kilusi kpalablea wē sēia guu à yādīle à mē wà ea Lua kpépi bo lo. ¹⁴ Baa vua ní ānusu pó pó Nebukanēza sèle Lua kpéu Yelusaleũ, a kàle a táakpēu Babelio, kí Kilusi bōle kpà Sesebazaa pó à aà dīle būsuu dōaana ūwae.† ¹⁵ A òè aà pōpio se ge kàle Lua kpéu Yelusaleũ, tó wà kpépi kēke dō. ¹⁶ ¶ Sesebazaa mō Lua kpé ē kpàle. Wàle kpépi bo za gōo

† 5:2 Age 1.12 § 5:2 Zkl 4.6-9 * 5:12 2Kia 25.8-12 † 5:14
Eza 1.2-11

bee e gbã, kási i láa yãao. ¹⁷ Kí, tó à kènɛ maa, lá wɛɛɛ kíaɔ lákalekíi Babeli, ní gwa tó kí Kilusi yādīɛ wà Lua kpé dɔ Yelusaleũ. Lá ní è, ní lékpāsākewɛɛ.

6

Daliusi yādīɛa Lua kpé boa yá musu

¹ Kí Daliusi yādīɛ, ɔ wà lápi wɛɛɛ taala pó wa kàɛ Babeli lákalekíiɔ guu. ² ɔ wà bò lá kooawa Ebatana wéɛ bíideu Mede bùsuu. Yáɛ bee ku a guu, ké asu sánɔguo yáí:

³ Kí Kilusi kpalablea wè sɛ́ia guu à yādīɛ Lua kpé pó kú Yelusaleũ musu, à mè wà kpépi dɔ sa'okíi ũ. Wà a ɛbo a lesí ká gàsísuu bàã, a yàasa gàsísuu bàã. ⁴ Wàli gbè gbènɛ di àã, lí mènɔdo, gbè gbènɛ àã, lí mènɔdo. Wa a fiabo ní kibe ɔao. ⁵ Vua ní ánuusu pó pó Nebukanɛza sèɛ Lua kpéu Yelusaleũ à sùò Babeliɔ sɔ, wa ɛa gɛ káɛ a gbɛu Lua kpéu Yelusaleũ.

⁶ ɔ kí Daliusi lékpāsākè à mè: Tiasa Uflata baale dɔaana Tatɛnai ní Setaa Bozenaio ní á gbé pó kú Uflata baa wɛɔ, à ázia ga we. ⁷ A Lua kpé dóna dāɔ to tɛɛɛ. A to Yudaɔ dɔaana ní ní gbɛzɔɔɔ Lua kpépi keke dɔ. ⁸ Máɛ yá pó ásu ke Yuda gbɛzɔɔɔne Lua kpépi dɔa musu díɛé. A pó pó aa yeiɔ séɛ ma làasiu we ní Uflata baale falu pó wa bò, í kpámá píi, ké zipi su ze lɔo yáí. ⁹ Pó pó aa yei píi, zugaae, sāsakao, sãneɔɔɔ pó aai Lua Musude gbagbað, pówena, wisi, vɛɛ, nísi, àɔ kpa Yelusaleũ sa'onawá lá gu lé dɔ lá aa gbèawáwa pākpaisai, ¹⁰ ké aa e sa pó ká Lua Musudegu owà, aai wabikewámɛɛ ní ma néɔ. ¹¹ Tó gbɛɛ yá pó má díɛɛ bee líɛ, wa ade kpé lí wo, wi aà pawà wà péɛ, wi aà be ke tufua ũ. ¹² Tó

kíae ge buie lé wεεε yápi lile ge àε wεεε Lua kpé pó kú Yelusaleũpi wí, Lua pó tò a tó kú gupiwa, àà ade fu. Ma Daliusi máme ma yápi díε. Wà zíkεwà maamaa.

Lua kpé sakēa

¹³ Ké kí Daliusi lékpāsāpi kè màa, Uflata baala d̄baana Tatenai n̄ Setaa Bozenaio n̄ n̄ gbé̄o yápi kè n̄ laaio. ¹⁴ Ǿ Yuda gbēz̄o kped̄ba lé gé ae lá ānabi Age* n̄ ānabi Zakali Ido néo† ānabikekèwa. Aa kpépi d̄ò wa làa lá Isailio Lua òwa, lá Pεεsio kíao Kilusi n̄ Daliusio n̄ Aatasasao a yād̄ilewa. ¹⁵ Aa Lua kpé m̄ide Adaa gōo àaōde z̄í kí Daliusi kpalablea wè soolode guue. ¹⁶ Ǿ Isailio Lua kpé sakē n̄ p̄nao, sa'onao n̄ Levii buio n̄ gbé̄ k̄ini pó sù n̄ z̄ìz̄kεoo píi. ¹⁷ Lua kpé sakēapi yáí aa sa'ò n̄ zuswanao mèn basoo n̄ sāsakaoo mèn òaa do n̄ s̄anebōo mèn òaa pla, ò aa sa'ò n̄ blesanao mèn kuepla Isaili bui dasileu amp̄ii duun awakpabōo ũ. ¹⁸ Aa sa'onao d̄iledile gā n̄ gāo, mé aa Levii buio d̄iledile gā n̄ gāo lo, ké aa zíkε Luae Yelusaleũ, lá a ku Moizi lá guuwa.

¹⁹ Mo s̄éia gōo gēo mēndosaide z̄í, z̄ìz̄o pó s̄upio Gēamusu dikpε‡ kè. ²⁰ Sa'onao n̄ Levii buio gbāb̄ò n̄ziae aa ḡò gbālesai n̄pii, ò aa Gēamusu s̄a k̄olokpakpa z̄ìz̄o pó s̄ùone n̄ n̄ sa'on deeo p̄oo n̄ n̄zia p̄oo. ²¹ Isaili z̄ìz̄o pó s̄upio mé s̄ò n̄ gbé̄ pó aa gbālea buipāleo yá musu tò, aale Dii Isailio Lua k̄ii wεεleo. ²² Ǿ aa Kāaso dikpεkè n̄ p̄nao e gōo sopla. Dii tò an p̄o k̄ena, asa a tò Asilio kía n̄sel̄ile n̄ yá musue, ò à d̄ònl̄e a kped̄ba z̄i guu, Isailio Luapi.

* **6:14** Age 1.1 † **6:14** Zkl 1.1 ‡ **6:19** B̄oa 12.1-20

7

Ezala sua Yelusaleũ sũkɛa

1-5 Yá bee ɔ gbɛa Pɛɛsiɔ kí Aatasasa kpalablegɔɔ Ezala b̀̀ Babeli à s̀̀. Sa'onkia Aalona mé Eleazaa ì, Eleazaa Fineasi ì, Fineasi Abisua ì, Abisua Buki ì, Buki Uzi ì, Uzi Zelaia ì, Zelaia Melaio ì, Melaio Azalia ì, Azalia Amalia ì, Amalia Aitubu ì, Aitubu Zadoki ì, Zadoki Saluũ ì, Saluũ Ilikia ì, Ilikia Azalia ì, Azalia Selaia ì, ẽ Selaia Ezalapi ì. ⁶ Ezalaá yãdanɛdeɛ, a Mɔzi ikoyã p̀̀ Dii Isailiɔ Lua d̄̀lɛ d̄̀s̄̀ s̄̀as̄̀. Lá Dii aà Lua ɔk̀̀uààla, k̄̀ia p̀̀ p̀̀ à a wabikèwa kpàwà píiɛ. ⁷ Kí Aatasasa kpalablea wè soplade guu Isailiɔ s̀̀ Yelusaleũ b̀̀. Sa'onao kú n̄ guu n̄ Levii buiɔ n̄ lèsinaɔ n̄ bíib̀̀led̄̀sanaɔ n̄ Lua ua zikɛnaɔ. ⁸ Ezala kà Yelusaleũ kí kpalablea wè soplade m̀̀ sode guu. ⁹ A f̄̀lɛ Babeli m̀̀ s̄̀ia gɔɔ s̄̀ia z̄̀iɛ, ẽ à kà Yelusaleũ m̀̀ sode gɔɔ s̄̀iaz̄̀i. Aà Lua ɔ kuaàla, ¹⁰ asa Ezala m̀̀kpà Dii ikoyã wàaipaawa n̄ a k̄̀ao, k̄̀e à e aà yãdilɛnɛɔ n̄ aà ikoyãɔ dada Isailiɔnɛ.

Lá p̀̀ kí Aatasasa kpà Ezalawa

¹¹ Taala p̀̀ kí Aatasasa kpà sa'on Ezala p̀̀ ì Dii yãdilɛaɔ n̄ aà yãdilɛnɛɔ da Isailiɔnɛwa yán ke: ¹² Aatasasa, k̄̀iaɔ k̄̀ia mé l̄̀e bee k̄̀e sa'ona Ezala, Lua Musude ikoyãdanaɛ. Ma f̀̀kpàma. ¹³ Ma yãdilɛ ma mè Isaili bui ge sa'ona ge Levii bui p̀̀ kú ma bùsuu aa ye genno Yelusaleũɔ píi, aa gé. ¹⁴ Mapi n̄ ma lɛdamade gb̄̀ɔn soplao mé n̄ gbaɛ, k̄̀e n̄ gé Yelusaleũ n̄ Yuda bùsuo píi yá gwagwai n̄ Lua ikoyã p̀̀ n̄ k̄̀ua musu. ¹⁵ Anusu n̄ vua p̀̀ mapi n̄ ma lɛdamadeɔ wa Isailiɔ Lua p̀̀ aà b̄̀e ku Yelusaleũ gbà s̄̀lɛ wà gɛɔ ¹⁶ n̄

ánusuo ní vua pò ní è Babeli bùsuo píi ní pò pò gbéé ní sa'onao kpà ní Lua kpé pò ù Yelusaleũo. ¹⁷ Zuswanao ní sāsakaoo ní sãneboobo lúlu ní òapio n laaiwa, ní sa pò wí a pò káteu à tékū oò n Lua kpé gbagbakiwa Yelusaleũ ní pówenti gbao ní imia gbao. ¹⁸ Mpi ní n gbéé à ke ní ánusuo ní vua pò gòo lá à kèé maawa, lá á Lua yeiwa. ¹⁹ Pò pò wà nàne n òzi lousisia Lua kpéu pò ùo kpa n Luapiwa Yelusaleũ. ²⁰ Tó ní ye Lua kpé pò kiniwi, tó a kekèa gò n yá ùe, se ma làasiu we. ²¹ Mámema kí Aatasasa, ma yãdile Uflata baale ò'ulenaone píi. A wabi pò sa'ona Ezala, Lua Musude ikoyádana kèwá kpawà gòo píi. ²² Anusu su de tonu àaao. Pówena su de tonu baakwiao. Vèe ní nísio su de litili òaa baobaoao. Wisi sò, lá a yei léu. ²³ Lá Lua Musude díle píi, à kpa gòo aà kpé pò ù, ké asu kpèneke ní ma kíakeo ge ma néoo. ²⁴ Aò dõ sò ké á zévi à falu ge ele'õa ge wè'õa sí Lua ua zíkènao ge sa'onao ge Levii buio ge lèsinao ge bíiboleðõanao ge zíkènpálewao.

²⁵ Mpi sò Ezala, yákpalekenao ní yãgõgõnao dilédile òno pò n Lua kpàma léu, ké aa yákeke a zéwa gbéé pò kú Uflata baaleone píi. Aao de gbéé pò aa n Lua ikoyá dõo ù. Gbéé pò dõoo sò, dadané. ²⁶ Gbéé pò n Lua ikoyá ní bùsu ikoyáo kúa òplaplao, wa yádaaàla, aà dea ge aà ya boa bùsuo ge aà àizee siawà ge aà daakpeun nó.

²⁷ Ó Ezala mè: Wà Dii wá deziò Lua sáaukpa! A làasoo maa dà kíe a sòu, ò kípí gbáakpà aà kpé pò kú Yelusaleũwa màa. ²⁸ A tò ma yá kà kía ní a ledamadeogu ní aà ìwa gbáao píi. Lá Dii ma Lua ò kuamala, ma sòdíle, ò ma Isaili doanao kàaa aa

gemanɔ.

8

Uabele pɔ sù ní Ezalaɔ

¹ Uabele pɔ wa bɔ Babeli bùsuu Aatasasa kpalab-legɔ wa su sãnuɔ tɔɔn ke ní ní buibɔkɔio:

² Finɛasi buiɔ uabele Geesoũ,
Itamaa buiɔ uabele Danieli,
Davidi buiɔ uabele Atusu.

³ Palɔsi bui Zakali ní a gbéɔ gběɔn basoplakwi.

⁴ Paata Mɔabu bui Zelaia né Elioenai ní a gbéɔ gběɔn òaa do.

⁵ Zatu bui Yaazie né Sekania ní a gbéɔ gběɔn òaa do ní basɔoo.

⁶ Adini bui Yonatãa né Ebede ní a gbéɔ gběɔn blakwi.

⁷ Elaũ bui Atalia né Yesaia ní a gbéɔ gběɔn bàaɔkwi.

⁸ Sefatia bui Mikaila né Zebadia ní a gbéɔ gběɔn basiiɔ.

⁹ Yoabu bui Yeieli né Obadia ní a gbéɔ gběɔn òaa do ní gěo ní àaɔo.

¹⁰ Bani bui Yosifia né Selomi ní a gbéɔ gběɔn baswaaɔ.

¹¹ Bebai bui Bebai né Zakali ní a gbéɔ gběɔn baasɔo ní àaɔo.

¹² Azegada bui Akatã né Yohanani ní a gbéɔ gběɔn basɔokwi.

¹³ Adonikaũ bui pɔ sù gbɛzãɔ, Elifele ní Yeielio ní Semaiao ní ní gbéɔ gběɔn bàaaɔ.

¹⁴ Bigivai buiɔ Zakuu ní Utaio ní ní gbéɔ gběɔn bàaaɔkwi.

Ezalaɔ daa Yelusaleũ zéu

15 Ma ní kãaa swa pò ì dɔ Aavai, ɔ wa bòokpà we gɔɔ àaɔ. Ké ma gbé̃ fãnkɛ ní sa'onao, má è Levii buiɔ kú ní guuo. 16 Ǿ ma dɔaanaɛ beɛɔ sɪsi: Eliɛzɛɛ, Alieli, Semaia, Elenatã, Yalibu, Elenatã, Natã, Zakali ní Mesulaũo. Ma yãdanɛdeɔ Yoialibu ní Elenatão sɪsi lɔ. 17 Ma ní zɪ̃ Ido pò de dɔaana ũ gu pò wɪ mɛ Kasifia kíi. Ma yá pò aa oè ní aà gbé̃ pò kú weɔ dànɛ́, ké aa suwɛɛ ní wá Lua ua zɪ̃kɛnao. 18 Lá wá Lua ɔ kuawála maanno, aa sùwɛɛ ní gbé̃ laaideo, Levii tɔũna Mali bui Selebia ní aà néo ní aà dãunaɔ gbé̃on bao plasai. 19 Aa sù ní Melali buiɔ Asabia ní Yesaiao lɔ ní ní dãunaɔ ní ní néo gbé̃on bao. 20 Aa sù ní Lua ua zɪ̃kɛna pò Davidi ní a ìwao ní díle aa dɔ Levii buiɔleɔ gbé̃on òaa do ní baoo. Wà ní tó dàlau mípii.

21 Ma leyɛ kpàwakè Aava swa saɛ we, ké wà wázia busa wá Luaɛ, wí tá na wabikɛwà wápiɔ ní wá néo ní wá àizɛɛo yá musu. 22 Ma sosao ní sɔdeɔ gbɛaa kíawa aa kàedawázi zéu ibɛɛo yáí oa widè, asa wá ò kíaɛ wa mɛ: Wá Lua ì ɔku gbé̃ pò aaí a kíi wɛɛleɔla maannoɛ, ɔ ì a pɔkũma zɔɔ bɔbɔ gbé̃ pò pãkpàaziɔwa. 23 Wa leyè wa wabikè wá Luawa yápiɔ musu, ɔ a sɪwanɔ.

24 Ma sa'on dɔaanaɔ sè gbé̃on kuɛpla ní Selebiao ní Asabiao ní ní gbé̃ gbé̃on kwi. 25 Ǿ ma ánuusu ní vuao yòné kiloowa ní pò pò kí ní a lɛdamadeɔ ní aà ìwao ní Isaili pò kú weɔ a labakè wá Lua kpé gba ũo. 26 Wa ánuusu yòné kiloowa tɔnu bao ní plao ní ánuusu pò tɔnu àaɔ ní vuao tɔnu àaɔ. 27 Vua tao ku lɔ mèn bao, aa kà kiloo swaaɔ, mé mɔgotɛ ta maa tɛkɛao ku mèn pla, a bɛɛɛ kà vuawa. 28 Má òné: Apiɔ ní pópíá Dii pòɛ. Anusu ní vuaoá pò pò wà

Dii á deziò Lua gbàè. ²⁹ A itēke à pópìò d'á e a ge yò kiloowa Dii kpé kpéneò guu Yelusaleũ sa'onao ní Levii buiò ní uabeleò wáa. ³⁰ Ǿ sa'onao ní Levii buiò ánuusu ní vuao ní pò pò wa yò kiloowapiò sí aa geò wá Lua kpéu Yelusaleũ. ³¹ Wa fele Aavai, wa da Yelusaleũ zéu mo séia goò kuepladezi. Wá Lua okùwála, à kàedàwázi zéu ibeò ní kpáiweliweò yáí. ³² Ké wa ka Yelusaleũ, wa kámabò we goò àaò. ³³ A goò síiòde zí wa ánuusu ní vuao ní pópìò yò kiloowa wá Lua kpéu, ò wá kpà sa'ona Ulia né Melemowa. Fineasi né Elezaa kuaàno ní Yesua né Yozabao ní Binui né Nòadiao. Levii buiòne nípii. ³⁴ Wà apii nàò wa yò kiloowa, ò wà a gbia lé dàlau zibeezi. ³⁵ Ǿ zìzo pò sùò sa pò wí a pò káteu à tékũ ò'o Isailiò Luawa, zuswana kuepla Isaili bui píi pò ũ, sàsakao basò síiòsai, sànebolò basiiò àaòsai, blesanaò kuepla duun awakpabò ũ. Wà sa pò wí a pò káteu à tékũ òò Diiwa píie. ³⁶ Wà yá pò kía dìle taala kpà aà iwao ní Uflata baala d'aaanaowa, ò aa gbàkà Isailiòne ní Lua kpé d'ao.

9

Isailiò buipaleò sea no ũ

¹ Yápi kea gbea kíaò mò ma kíi aa mè: Wá gbéò ní sa'onao ní Levii buiò aai kékòwa ní bui pò liaawázio ní ní yábèekeao, Kanao, Itio, Pelizio, Yebusio, Amonio, Mabuò, Egipio ní Amoleò. ² Aa noòsè ní guu, aa sè ní néone lo. Aa wá bui pò wá de Lua gbé ũ kè kògbè ũ ní bui pò liaawázio. Kíaò ní d'aaanaò mé bò Lua kpe màa. ³ Ké ma yápi mà, ma a ula ní ma ulataoò gà má kè, ma a mikæò ní ma lekàna káèò wò. Ǿ ma

zõle, yápi díã. ⁴ Ǿ gbé pó yá pó Isailio Lua ò vĩa vĩa kãamazi pii zĩzõ pó sũõ bõã Lua kpepi yáí. Lá yápi díã, ma gõ zõlea we e sa oosi ogõõ. ⁵ Ké sa oosi ogõõ kà, ma fẽle mazía busaa guu, ma ula ní ma ulataoo kãã, õ ma ge kule ma kosowa, ma a õ pòpoo Dii ma Luaε ⁶ ma mè:

Ma Lua, wí ma kũ, ma γεε gõõ kpa ma wéí. Ma Lua, má fĩ wése mà n gwao, asa wá duuna kùwála, wá tàaeõ zõma. ⁷ Za wá deziõ gõõ e ní a gbãõ wá tàae zõõ. Wá duuna yáí õ n wá ná buipãleõ kíãõne ní õzĩ, wápíõ ní wá kíãõ ní wá sa'onãõ, õ aa wá gbẽeõ dède ní fẽndao, aa wá gbẽeõ kũ zĩzõõ ù, aa wá póc nàaa, õ wí wá kú lá à wá kú gbãewa. ⁸ Dii wá Lua, tia kéwa n wá wegwà gĩa yõõ, n gbé kõnaõ tòwẽε, õ ní wá gbá tepekli n kpéu. Wá Lua, ní tò wá oa wèe, n wá lé ní láo yõõ wá zõbleu. ⁹ Wá Lua, baa ké zõõn wá ù, ni wá tó wá zõbleuo. N tò Peesio kíãõ gbẽkẽkèwẽε. N wá lé ní láo, õ wa n kpé gbooaõ kèkè wá dõ. Wá Lua, n kàedãwázi Yelusaleũ ní Yuda bũsuo pii. ¹⁰ Tia kéwa wá Lua, yá kpele wá fĩ onε bi? Asa wa pãkpà n yá ¹¹ pó ní díle n zõblena ãnabíõne aa òzizie. Aa mè bũsu pó wá deziõ lé gé sii de bũsu pó gbãlè bui pó kú weõ yãbẽεkeã yáí ùε. An bõbõ bũsupi pà za a léle ní a lélao an yãbẽεkeã yáíε. ¹² Aa mè wásu wá wá nenõõõ kpásãmáõ, mé wásu ní nõ sé wá néõneõ. Wásu wedõ ní aafia ní ní gwea maaõzi bauo, ké wá e gbãakũ, wí bũsu põmaaõ ble, wá tó wá néõne e gõõpii.* ¹³ Yápiõ wá lé pii wá vãikeã ní wá tàae zõõo yáíε. N beeo wá Lua, ni ñadawá e wá duuna léwao, n gbé kõnaõ

* **9:12** Bõã 34.12-16, Iko 7.1-4

tòwɛɛ kéwa. ¹⁴ Ǿ wa ɛa n yādileaɔ gbòo, wa bui yābɛɛkenao sè nɔ ũ. Lá wá kè màa, n pɔ a pawázi, ní wá dɛdɛ míomíɔɛ, gbé kɔnae a bɔ bo. ¹⁵ Dii Isailiɔ Lua, n yá kue, ɔ wa gɔ gbāgbɛ kɔnao ũ. Taaedeɔn wá ũ. A yáí wá gbɛe a fɔ wɛɛɛ à n gwao.

10

Isailiɔ ní duunaɔ oa Luaɛ

¹ Gɔɔ pɔ Ezala lé lousisi màa, a kúlea Lua kpé kpele, àle ní duunaɔ o Luaɛ, àle ɔɔɔ, Isailiɔ kàaaaàzi dasidasi, gɔɛo ní nɔɔo ní néfɛnɛnao, ɔ aale ɔɔɔ maa-maa. ² Ǿ Elaũ bui Yeieli né Sekania fɛle yá'ò Ezalae à mè: Wa bɔ wá Lua kpe, wa bui pɔ liaawázi sè nɔ ũ. N beeo bɔkii kú wá Isailiɔne e tia. ³ Wà ledouke ní wá Luao sa, wí nɔɛpiɔ ya ní ní néɔ, lá n a ledàwáwa, mpi ní gbé pɔ aa wá Lua yādileaɔ vɛa vɛɔ. Wà ke lá aà ikoyá'òwa. ⁴ Fɛle! A gò n yá úe. Wa zennɔe. Sɔdile n zike yápiwa.

⁵ Ǿ Ezala fɛle, a tò kíaɔ ní sa'onao ní Levii buiɔ ní Isailiɔ píi legbè yápi musu. ⁶ Ǿ à gò Lua kpé kpele, à gè i Eliasibu né Yohanani kpénɛu. I pɔbleo, i imio, ké àle zìzɔ pɔ sùɔ náaisaika ɔɔɔ yáí.

⁷ Ǿ wà kpàwakè Yelusaleũ ní Yuda bùsuo píi wà mè, zìzɔ pɔ sùɔ aa kàaa Yelusaleũ píi. ⁸ E gɔɔ àaɔ àɔ gé pai, tó gbé i mɔo, aà àizɛɛo gò Dii pɔ úe, wi ade ya bɔ zìzɔ pɔ sùɔ guu. Kíaɔ ní gbɛzɔɔ mé zèò màa. ⁹ Ǿ Yuda gɔɛo ní Bɛyāmɛɛ bui gɔɛo kàaa Yelusaleũ píi e gɔɔ àaɔpi gè pàò. Mɔ kɛokwi gɔɔ baode zí aa zɔlea Lua kpé gāae nípii, aale lualua yápi ní lou pɔ lé mao yáí. ¹⁰ Ǿ sa'ona Ezala fɛle yá'òné à mè: A bɔ Lua kpe, a

wá Isailio tàae kàfi, a buipãle sè nɔ ũ. ¹¹ A á duunaɔ o Dii á deziɔ Luæ, í aà pœã ke sa. A kēkōwa ní bui pó liaaázio ní nɔ pó á sè ní guuɔ. ¹² Bila wèwà ní ɔ gbãao aa mè: Maaε, wá ke lá ní òwεεwa. ¹³ Ama wá dasi mé lou ku, wá fĩ wàɔ zea bàasi lao. Wá fĩ yápi keke gɔɔ do ge gɔɔ plao, asa wá tàae kè zɔɔ yápi musu. ¹⁴ Tó wá kíaɔ gɔ la bíla gεε ũ. Gbé pó buipãle sè nɔ ũ i ɔ wéle ní wéleɔ, aai mɔ gɔɔ pó wa ðilenéwa ní ní wéle gbεzɔɔ ní yákpalekenaɔ, wá Lua pɔ i weewá yápi musu. ¹⁵ Asaeli né Yonatãa ní Tikeva né Yaziao mé bɔ yápi kpe mípla, ɔ Levii buiɔ Mesulaũ ní Sabetaio zèñnɔ.

¹⁶ ɔ zizɔ pó sùɔ kè lá wa òwa. Sa'ona Ezala uabeleɔ sè daεdaε mëndodo. A ní tó ðalau pii. Mɔ kwide gɔɔ séia zí ɔ gbépio zòle yápi gwàgwa. ¹⁷ Mɔ séia gɔɔ séia zí aa buipãle senapio yá gwàgwa aa làa pii.

Gbé pó aa buipãle nɔ sèɔ

¹⁸ Sa'ona pó aa buipãle nɔ sèɔn ke: Yozada né Yesua buiɔ ní a ðaunaε beeɔ Maasea, Eliεzεε, Yalibu, Gedalia. ¹⁹ Aa ɔdà kō ɔu aa mè wa ní nɔpio yá, ɔ an baade sãsa kpà ní tàae fiabobo ũ. ²⁰ Imεε buiɔ Anani ní Zebadiao. ²¹ Aliũ buiɔ Maasea, Elia, Semaia, Yeieli, Uzia. ²² Pasuu buiɔ Elioenai, Maasea, Isimaεla, Netaneli, Yozaba, Elasa. ²³ Levii buiɔ Yozaba, Simeí, Kelaia pó wĩ me ɔ Kelita, Petaia, Yuda, Eliεzεε. ²⁴ Lèsina Eliasibu ní bíibɔledōanaɔ Saluũ ní Teleũo ní Ulio.

²⁵ Isaili kɔni pó aa buipãle nɔ sèɔn ke: Palosi buiɔ Lamia, Izia, Malakia, Miamε, Eleazaa, Malakia, Benaia. ²⁶ Elaũ buiɔ Matania, Zakali, Yeieli, Abadi, Yelemɔ, Elia. ²⁷ Zatu buiɔ Elioenai, Eliasibu, Matania, Yelemɔ, Zabada, Aziza. ²⁸ Bebai buiɔ Yohanani,

Anania, Zabai, Atalai. ²⁹ Bani buiᵛ Mesulaũ, Maluku, Adaia, Yasubu, Seali, Yelemᵛ. ³⁰ Paata Mᵛabu buiᵛ Adena, Kelala, Benaia, Maasea, Matania, Bezaleli, Binui, Manase. ³¹ Aliũ buiᵛ Eliezee, Isia, Semaia, Simeᵛ, ³² Bēyāmee, Maluku, Semalia. ³³ Asuũ buiᵛ Matenai, Matata, Zabada, Elifele, Yelemai, Manase, Simēi. ³⁴ Bani buiᵛ Maadai, Amlaũ, Ueli, ³⁵ Benaia, Bedea, Kelui, ³⁶ Vania, Melemᵛ, Eliasibu, ³⁷ Matania, Matenai, Yaasu. ³⁸ Binui buiᵛ Simēi, ³⁹ Selemia, Natã, Adaia, ⁴⁰ Manadebai, Saisai, Salai, ⁴¹ Azaleli, Selemia, Semalia, ⁴² Saluũ, Amalia, Yosefu. ⁴³ Nebo buiᵛ Yeieli, Matitia, Zabada, Zebina, Yadai, Yoeli, Benaia. ⁴⁴ Gbēpiᵛ buipãle nᵛ sèe m̄pii, mé an nᵛpi keeᵛ néᵛ ì'ir̄nᵛ.

Bibeli Luayátaalá
The Holy Bible in the Boko language spoken in Benin
and Nigeria

copyright © 2010 SIM International

Language: Boko

Translation by: SIM International

Boko Bibeli Luayátaala

This translation, published by the SIM au Benin, was published in 2010.

If you are interested in obtaining a printed copy, please contact the SIM at ECWA/SIM H.Q., P.M.B. 2009, Jos, Plateau State, NIGERIA.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-09-25

ffb0f4b3-18b7-564f-bd5d-307e9e532fb9